

楚澤詞徵濱虹題

中華民國三年五月付印
中華民國三年七月出版



編輯
發行
兼人
印刷者

發行所

百尺樓叢書等譯詞徵

定價金五角

陳去病

上海六馬路東新橋北首吉慶坊內
國光書局印刷所

上海拋球場北轉四甯波路
國學保存會

上海棋盤街
廣益書局

上海六馬路東新橋北首吉慶坊內
國光書局印刷所

上海北泥城橋新馬路白克路
競雄女學校

笠澤詞徵

百尺樓叢書

卷十四

邑後學 陳去病輯錄

清

鄭 璜字元吉號瘦山嘉慶庚午舉人候補訓導有海紅華館詞

鈔

自序余稍知韻語即好爲詞宋人中尤喜玉田白石兩家然

于火收拾餘燼附以近作共得二卷一曰吳龍桐香一曰鱸鄉
歌唱中年哀樂人事多舛老病侵尋筆墨日頽宿好在是時復
犯綺語之戒從此焚香掃地以終餘年雖不
作可也道光十五年閏六月種墨庵主人書

百字令 題陳丈秋史寒碧軒圖和竹垞翁韻

梨湖卅里記浮家泛宅三年漂泊賴有元龍樓百尺肯讓寓公棲託

鳥喚提壺園開劖筍無此江鄉樂狂歌未了夕陽紅下籬落 曾見

萬綠陰中香茆縛屋斷手勞斟酌不許僱租人到此一任燕穿簾幙

史詠袁安

湘湄

易譚郭象

頻伽

屢過閒林壑笑尋詩去瘦筇時繞亭

角
丈有亭角
尋詩圖

金縷曲 題郭頻伽丈蠹蜨冊子

變幻能如此問誰來書巢藝苑箇中游戲五色麻姑裙袂上試問芸
香熏未且小展春風雙翅慢笑景純非磊落卻怱怱未注蟲魚字小
爾雅合添記 書生結習蠅鑽紙最淒涼小窗開卷流螢乾死太息
滕王描寫後執話羽陵舊事算蒼狗浮雲聊爾脈望成仙元未必只
蘧蘧略會蒙莊意真與假費摩揣

買陂塘 題嚴子容花底填詞圖

又東風一番妍喚濛濛絮影如許衣裳慘綠人年少况更登高能賦
花落去早紅雨迷離添了閒情緒
子容所著爲絮影樓詞管賦浣溪
沙云落花別是一般紅爲頻伽先

生激
賞 攤箋無語算大白狂浮小紅低唱都付短長句 蘆洲外我亦
曾修笛譜換來兩鬢霜縷酒旗歌扇銷魂地只覺回頭多誤且小住

笑歲歲年年載酒江湖路倡予和汝恐側帽人歸故鄉春老寒到舊盟鷺

齊天樂 荻莊觀桃花用蘅夢詞荻莊秋荷韻

兩三竹外春猶嫩略作

去聲

幾分晴意着袂香新隔簾笑淺恰似個人

妝洗東南風起恐紅雨濛濛滴成紅淚影亦堪憐湔裙綠綳一池水多情司馬當日載艤船一棹碧玉雙髻黃土淒涼青衫漂泊何況

斜陽人世銷魂此際奈小杜遲來書廊孤倚算只花枝見閒吟薄醉

往時嚴歷亭司馬屢招同湘湄鐵門頻伽諸老輩宴集于此詩版猶存

水龍吟 西風作寒池上芙蓉一枝已半落矣詞以憐之

舊時臺榭依然沈吟又到闌干地一分夕照二分淺水三分寒意照鏡顏低生塵鞵瘦恁般顚顚算者番來也不如不見但惹得新愁起滿眼枯荷折葦問徐熙丹青能未鴛鴦夢斷蘆花頭白荒荒烟水

影事重尋微波難託可憐如此最相思池上人家一角小門深閉

鳳皇臺上憶吹簫 題姚棲霞女士翦愁吟

紫玉無年蘭香未嫁吟牋讀罷無聊想一燈偎影和淚輕挑自分新
愁難翦借柔毫細把愁描傷心處慵拈梅子怕聽芭蕉 難招芳魂
縹渺但埋玉深深草沒裙腰歎優曇命短不待花朝賸有零星斷句
蠶眠字雪琢冰雕誰同調疏香閣中一樣垂髫

疏香閣吾鄉葉小鸞集名小鸞沒時年亦

七十

無錫丁紹儀聽秋聲館詞話女士姚栖霞吳江人幼慧工詩時出
新意年十七卒其父瘦吟偕取其燕翦翦愁愁不斷翻銜愁入小
窗來句名所著爲翦愁吟越百年郭頻伽瘦山諸君爲之刊行
各倚鳳皇臺上憶吹簫調賦詞悼之其詩途顯袁樸村景輅松陵
詩徵言其填詞亦秀雅可誦並附杜丹瀟庭芳斷句云但恐茶蘼
開後風懷減誰共芳尊添愁恨紅妝淚洒無語暗消魂惜未錄全
閨瘦吟亦工詩家極貧以筆耕餬口恆館于外清明有感一絕尤
佳詩云林香漠漠艸萎萎以筆耕餬口恆館于外清明有感一絕尤
庭花雨燕雙栖去病案詩徵所載斷句尚有問人閒
富貴誰復如君九字又風懷減作風流穗與此微異

綠意 西湖春日步至南屏尋鴛鴦冢不得

模糊香土認斷腸一碧芳草春路埋玉深深抱玉沈沈柔魂知在何處憑誰喚醒楓根睡有蕭寺星星鐘語願祝他連理枝頭莫做妬花風雨

正是清明寒食紙灰斜照裏飄落無數松下同心橋下雙投癡絕古今兒女情生情死情何極又淚灑蹋青伴侶最悶人獨自歸來卻向馬塍西去

何兆福高大姑俱西馬塍人

高陽臺 露筋祠

白鳥聲中白蓮香裏好風吹送秦郵一角靈旗叢祠燈火幽幽東廊欲認殘碑字早苔花蝕盡銀鈎可憐秋照水絲楊滿鏡眉愁舒舒十里淮流記逐迎神簫鼓畫舫同遊留恨人間不將姓氏輕留小姑合向青溪住笑雙行癡女駢牛拜低頭約伴燒香見也應羞

前調 題李清照故宅漱玉井

碧鬢生寒銀瓶沈響費人多少徘徊燕子斜陽難尋舊日樓臺沈吟
漱玉詞中句想時時立損蒼苔正歸來萬卷堂中茶覆深杯而今
重問前朝事歎捲簾人去小劫飛灰剩水無波見誰玉虎牽回憑欄
怕向清流照照飄零絲鬢先催動愁懷一片西風黃菊還開

金縷曲

桃花塢過六如居士故居有懷其人爰賦此解

落日閒吟弔正無聊闔閭城外春風倚權茆屋數間而已矣著個狂
生尤好奈天與江湖潦倒第一風流三生案牘叢殘粉本零星稿人
去也世爭寶旅霜容易梧枝老念當時蹋歌跳月淋漓酣叫待詔
才名京兆筆更有張郎年少算身後是非誰曉聽說因緣琵琶女只
桃花牆角如含笑又綠遍墓門草

祝英臺近

鳳釵欹蛾黛鎖小病甚時可手撥熏鑪留得一星火尋常丁字簾前

丁香花底只少箇丁娘同坐 最無那輸他雪色狸奴長傍繡墩臥
有限春光獨自悶中過思量問訊紅襟替將消息說今日東風還大

疏影 燈暈

雙枝一穗正團成夜色銅盤紅膩欲斷飜連乍缺還圓墮燼星星飛
碎無端幻出迷離影似天際美人虹媚結愁圍疊疊重重中有玉蟲
流淚 便把蘭煤手翦更爐香濃繞綰成心字暈碧裁紅轉綠廻黃
只是殢人殘醉薄侵粉臉光明滅愛畫裏耳珠添綴記宵闌同坐簾
攏一陣落花風遞

摸魚兒 自題鱸鄉秋色圖

歎生綃曾逃却火秋風斜日如昔三高祠宇相隣近誰更浮家汎宅
花四壁好著個圓盒坐對烟波白分鷗一席正出水魚肥經霜蟹大
楓葉夜來赤 江鄉景笑我年年拋擲舊游轉眼難覓垂虹亭下吹

簫處老却江南詞客歸不得展畫裏青山相見多慚色光陰可惜問
何日何時此中漁隱長與世情隔

高陽臺 九日同趙竹菴俞少甫朱條生登黑窑廠遠眺落木

天涯頗饒鄉思

日澹花黃風高雁白催成兩鬢星霜老去尋秋能消幾個重陽眼前
大有登臨地恨遮來疏柳行行太微茫幾點寒雅一片宮牆 詞人
當日行吟處有漁洋一老詩酒相羊銷歇風流更容我輩清狂支硎
雪瀑楞伽塔記歸時簫管橫塘忽停觴絕好西山不是江鄉

滿江紅 題嚴澹生西域從軍圖

王粲從軍羨恰是終軍年紀數斥堠玉關西去萬三千里太古未消
蔥嶺雪尋源直度昆侖水問飛而食肉者何人元如此 受降書羊
皮紙草軍書烏皮几每沈沈深夜獨橫戈起駿粟早聞都尉號策勳

兼仗毛錐子况澆胸正有酒如泉葡萄紫

齊天樂 題嚴比玉宜園詞隱圖卽送其入都

梧桐鄉裏詞人住湖山坐領逋峭春水千卿微雲誇壻難得少年才
調柳陰把釣繼故態狂奴漁家堪傲買斷陂塘微吟定側夕陽帽
黃河送君遠上旗亭看畫壁雙髻娟妙司馬頭銜聞鷄豪氣況半讀
書袁豹開圖一笑笑減字偷聲卅年同好載酒江湖鬢霜容易老

月華清 題廖裴舟菖湖草堂圖

箸滑蓴絲盤堆菱角五茸曾記停櫂如此園林但覺四時都好供詩
人點筆闌干是一幅天然畫稿清峭數遙山九點黛痕新掃底事
頻年遠道負舊種梅花閒盟鷗鳥簾影窗光夜夜夢魂飛繞指平湖
歷亂風帆有天際歸舟多少須早恐穿將望眼倚闌人老

摸魚兒 題王竹嶼黃河歸櫂圖

障狂瀾全憑隻手長河千里如鏡路從八激灘頭過水暖桃花春信
乘畫艇聽搖舫船娘唱到風波定蓬窗小凭看饌入頰鱗醉邀紅友
今夜夢魂穩歸去好渾似折腰陶令未荒松菊三徑太行黛色遙
相送不及六朝山影帆力正指一髮青中漸覺家鄉近烟波重認見
兩板柴門半江蘆荻早有白鷗等

念奴嬌 冀子得方鏡於山陰古墓中墓甌有天康年字蓋南
朝物也首賦此解余亦繼聲

西陵紅鬼問伊誰 霜殉墓磚空認入手寒芒紛四射照盡曉妝春影
眉蹙螺丸鬢雙蟬翼多少菱花恨六朝如夢六朝猶剩金粉 當日
衣捲秦宮鸞迴漢殿舊事堪重省魏晉齊梁斜照裏一例胭脂秋井
埋玉千年摸金一昔難喚香魂醒摩挲試想鑿圓何似苔暈

滿江紅 題吳漢槎故人塞外赤牘

幾幅蠻箋認細字半經磨滅蝕不盡模糊一片塞沙邊雪心事遠憑
蒼雁足悲歌痛飲黃鸝血想平安手札故鄉來燈花結 供涕淚班
俟筆同臥起蘇卿節歎今人管鮑寄書輕絕題壁倩孃魂夢斷歸吳
季子關門入展風前彷彿聽秋笳聲嗚咽

西子妝 春盡日泛舟湖上

乳燕啼晴流鶯破夢十百畫船都到碧雲如畫湖如鏡納羣峯黛眉
新掃萬花含笑恰相映箇人娟妙祝東風護花枝人面休教吹老
催歸權掠眼怱怱過了花神廟總留春在不多時且流連酒尊同醕
歌翻水調又重問煙波紅闌譜新詞醉蹋斜陽側帽

掃花游 新正六日宴飲吳山道院時積雪初霽峭寒猶甚醉
後譜此以助豪情

吳山橫處趁浩浩長風跨來鸞背景光頓改早滕家試手翦冰相待

下地高天妙手空空難繪畫闌外訝眼底周遭四山何在 佳晨來
已再算載酒高寒者番尤最欵冠落珮判手撥雲烟口吞江海試問
羣公孰賦羣仙此會我真悔悔年年浪游塵壒

燕山亭

乙未春莫舟過松江憶與亡兄海山就醫來此已四
十餘年矣老病頽唐情懷惴惴不自覺詞之淒楚也

著個扁舟春水綠波幾日濃於草零落小桃燕子飛來渾不管東風
吹老獨坐長謳誰與共筆牀茶竈晴曉早九朵烟鬟一齊梳了 回
憶四十年前有話雨深宵唱喁同調霜點鬢絲淚滴鵲原重渡舊時
圓渌記取前塵算只有白頭鷗鳥吟稿怕難認斷鴻雪爪

浪淘沙

題董松筠表姨母涵清閣詩稿

燈火伴孤吟小閣沈沈牽蘿補屋卅年心霜下寒砧雲外笛欠此哀
音 滿紙淚痕侵畫荻灰深苦回甘味有而今子舍又添孫幾箇梧

竹成陰

葉 鑽字芳春號蘭潭又號蘭臺嘉慶戊辰恩科舉人方略館謄

錄候選知縣有香王館詩詞鈔

金縷曲 題金瑤岡一百二十本梅花書屋圖

一片寒雲繞記當時衆香國裏拈髭微笑二十年來清夢遠憶遍長
安春曉算總被軟紅塵擾人海風花看爛熟脫朝衫便理南歸棹青
篷底秋正好 詞人風格松筠操指烟波重輪花甲乞身還早百二
十株小別後眞个者回修到鋤月處又添詩料一箇枝頭花萬朵數
花鬢借作仙籌校漫展卷認瑤島

往事層雲逗溯家聲金閨才子青箱能守年少花田懷古處吟到海

南蓋曰

君侍文簡公視學粵東時
著有南漢宮詞數十首

庚嶺下早圖清瘦一夢大羅人易

老紫微花空襯宮袍舊南枝寄何曾有而今不剪春明韭打回帆

丹楓江上重尋園，叟料得新枝長過屋。簇遍苔錢如繡，種樹者關情甚否？新署頭銜香雪裏，嚼殘英，嬾試和羹手。且索笑巡簷走。

骨相饒風雅，宰官身清臞，相映依然儒者。萬卷藏書手，自校玉軸牙籤，插架更癡到，捫碑讀畫此去。窗櫺須再拓，補長春點綴梅花下。三徑客結耆社，生平清福享無價。撫鸞絃彈來，鴻案爭聲低亞。一鳳槐陰早，振翻竹上諸雛。啞啞羨隱德，門楣吉迓。屈指筵開金粟地，沸笙歌疊進長生，罍菜綵動御香惹。

僕誼叨桑梓，向京華閒雲無定飛來，便止一卷芳蘭才盥手。君出後簪花圖

屬敘又被古香沁齒濃，麗後清深若此。五畝霜乾啼翠羽，隔苔垣我亦

師雄。是二分屋本連址。余家荒圃與梅花書屋僅隔一牆鱸鄉亭外秋容賦，束行

裝烟霞供養從今伊始。如此家山不歸去，負却如花甲子，便傳語衆花歡喜。姑射仙人綠華女，捧瑤觴久候琴書矣。待君至行塵洗。

沈煥字章甫號星堂又號文伯道光五年乙酉舉人有絡雨齋

殘稿

金縷曲 寒繡

雪影支牀妥傍晶簾悄開紙帖鬢鴉低彈底事年年營金線贏得錦
墩溫坐翻冷了絲情纏裏翠袖雙扶嬋娟影刺風尖生怯年紗窗停
片晌殘絨睡熏爐息息埋餘火記昨宵新描格子並頭花朵剛欲
度針薑芽斂呵煖些兒纔可又瞥眼斜陽紅墮短暑工夫爭添減耐
須臾嬌倦仍無那拌漏永爲伊作

翁 雒字穆仲號小海

黃燮清云小海善繪尤精於草蟲神致
栩栩欲活爲世所珍詞則畫之餘也

南浦 秋水次張玉田春水韻

波靜淡煙澄浸遙空一鏡菱花常曉闌檻盪涼陰池塘柳慵照眉痕
重掃伊人不見眼穿孤鶩天邊小新綠三篙曾送別又是荻苗如草